

Broj: 03-01-177-6/19  
Tuzla, 29.04.2019. godine

Na osnovu člana 70. stav 3. Zakona o javnim nabavkama Bosne i Hercegovine ("Službeni glasnik BiH", br.39/14), Zapisnika o ocjeni ponuda Komisije za javne nabavke br. 03-01-177-4/19 od 29.04.2019. godine i preporuke Komisije na osnovu Izvještaja komisije broj 03-01-177-5/19 od 29.04.2019. godine u postupku javne nabavke: nabavka i isporuka usluga osiguranja za potrebe JKP „Saobraćaj i komunikacije-Tuzla“ doo Tuzla, a u skladu sa članom 61. Statuta JKP „Saobraćaj i komunikacije-Tuzla“ d.o.o. Tuzla broj: 01-04-756/17 od 29.09.2017. godine, sa izmjenama i dopunama broj 01-03-249-5/18 od 06.04.2018. godine, Direktor JKP „Saobraćaj i komunikacije - Tuzla“ d.o.o. Tuzla donosi:

## ODLUKU O IZBORU NAJPOVOLJNIJEG PONUĐAČA

### Član 1.

Prihvata se preporuka Komisije za javnu nabavku po Izvještaju broj 03-01-177-5/19 od 29.04.2019. godine i Ugovor za javnu nabavku: nabavka i isporuka usluga osiguranja za potrebe JKP „Saobraćaj i komunikacije-Tuzla“ doo Tuzla, dodjeljuje se ponuđaču „**Sarajevo-osiguranje**“ dd **Sarajevo, Maršala Tita 29, 71 000 Sarajevo**, ponuda broj 1-2193/19 od 17.04.2019.godine, za ponuđenu ukupnu cijenu od **12.946,22 KM, bez PDV-a**, kao najbolje ocijenjenom ponudom.

### Član 2.

Ugovor o nabavci, u slučaju da na odluku o dodjeli ugovora nema žalbe, u skladu sa članom 72. Stav 1.Zakona o javnim nabavkama, dostavit će se na potpis izabranom ponuđaču „**Sarajevo-osiguranje**“ dd **Sarajevo, Maršala Tita 29, 71 000 Sarajevo** u roku od 15 dana, računajući od dana kada su svi ponuđači obaviješteni o izboru najpovoljnije ponude.

### Član 3.

Ova Odluka objavit će se na web stranici Društva [www.siktz.ba](http://www.siktz.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 4.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 03-01-177/19 od 22.03.2019. godine.

Javna nabavka je sprovedena konkurentskim postupkom.

Procijenjena vrijednost nabavke bez PDV-a je 20.000,00 KM.

Obavještenje o nabavci broj 1258-8-2-159-3-14/19 od 02.04.2019. godine.

Komisija za javnu nabavku imenovana je Rješenjem o imenovanju broj 03-01-177-1/19 od 23.03.2019. godine.

Komisija za javnu nabavku dostavila je dana 29.04.2019. godine Izvještaj o radu broj 03-01-177-5/19 i preporuku o izboru najpovoljnijeg ponuđača u postupku javne nabavke: nabavka i isporuka usluga osiguranja za potrebe JKP „Saobraćaj i komunikacije-Tuzla“ doo Tuzla.

U postupku po Izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće Zapisnike, u kojima je utvrđeno sljedeće:

- Ukupan broj pristiglih ponuda je: 4 (četiri);
- Blagovremeno zaprimljeno: 4 (četiri) ponude;
- Neblagovremeno zaprimljenih ponuda nije bilo;
- Ponuda Wiener osiguranje VIG ad Banja Luka nije prihvatljiva u skladu sa Tenderskom dokumentacijom za usluge osiguranja za potrebe JKP „Saobraćaj i komunikacije – Tuzla“ doo Tuzla, DIO 2. Osiguranje vozila-Obavezno i kasko osiguranja motornih vozila, jer je navedena cijena obaveznog osiguranja vozila od autoodgovornosti (AO), koja nije u skladu sa Jedinstvenim premijskim sistemom X-AO koji je propisao Biro osiguranja BiH i to:
  1. U Obrascu za cijenu ponude-usluga, Anex 2, tabela 2-osiguranje vozila, redni broj 4, obavezno osiguranje vozila 4., ponuđena je cijena koja nije u skladu sa Jedinstvenim premijskim sistemom X-AO koji je propisao Biro osiguranja BiH.
- U prvom pregledu ponuda, utvrđeno je da je ponuda „Sarajevo- osiguranje“ dd Sarajevo neprirodno niska u skladu sa članom 17., stav (7) b) Uputstva za pripremu modela tenderske dokumentacije i ponuda, odnosno cijena ponude „Sarajevo- osiguranje“ dd Sarajevo je za više od 20% niža od cijene drugorangirane prihvatljive ponude, te je dana 23.04.2019. godine, na osnovu člana 66. stav (2) Zakona o javnim nabavkama (Sl. Glasnik RBiH broj: 39/14), a u skladu sa članom 17. Uputstva za pripremu modela tenderske dokumentacije i ponuda (Sl. Glasnik RBiH broj: 90/14) traženo detaljno obrazloženje cijene ponude broj: 01-2193/19 od 17.04.2019. godine. Dana 29.04.2019. godine zaprimljeno je Pojašnjenje cijene ponude traženo pomenutim Zahtjevom, koje je u potpunosti prihvaćeno od strane Komisije za javne nabavke imenovane Rješenjem broj 03-01-177-1/19 od 23.03.2019. godine.
- Ponuda ponuđača „**Sarajevo-osiguranje**“ dd Sarajevo, Maršala Tita 29, 71 000 Sarajevo je potpuna, prihvatljiva i najpovoljnija.

Nadalje, u postupku ocjene provedenog postupka, Direktor JKP „Saobraćaj i komunikacije-Tuzla“ doo Tuzla nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o izboru najpovoljnijeg ponuđača data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- najniže cijene, i to:

	Naziv ponuđača	Ukupna cijena ponude
1.	„Sarajevo-osiguranje“ dd Sarajevo, Maršala Tita 29, 71 000 Sarajevo	12.946,22 KM

Iz navedenog razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

#### POUKA O PRAVNOM LIJEKU:

Protiv ove Odluke, u skladu sa članom 101.stav 5. Zakona o javnim nabavkama, može se izjaviti žalba najkasnije u roku od 5 dana od dana prijema ove Odluke.

#### Dostaviti:

- „Sarajevo-osiguranje“ dd Sarajevo,  
Maršala Tita 29, 71 000 Sarajevo
- ASA osiguranje dd Sarajevo,  
Trg međunarodnog prijateljstva 25, 71 000 Sarajevo
- Croatia osiguranje dd Podružnica Tuzla,  
Ismeta Mujezinovića bb, 75 000 Tuzla
- WIENER OSIGURANJE VIG AD Banja Luka,  
Kninska 1A, 78 000 Banja Luka
- web stranica Društva: [www.siktz.ba](http://www.siktz.ba)
- A/A



DIREKTOR

Goran Jurak, dipl.ofi.pol.